

現代生活藝術系列

華嚴經疏論纂要

120

普賢行願品別行疏鈔纂要

華藏淨宗學會印贈

大方廣佛華嚴經普賢行願品別行疏鈔纂要卷第
一百之二十

敕太原府大崇福寺沙門澄觀撰別行疏
終南山圭峯草堂寺沙門宗密述隨疏鈔

閩鼓山私淑比丘道霈纂要

○二顯經勝德一一校量聞經德

若有善男子。善女人。以滿十方無量無邊不可說不
可說佛刹極微塵數一切世界上妙七寶。及諸人天
最勝安樂。布施爾所一切世界所有衆生。供養爾所
一切世界諸佛菩薩。經爾所佛刹極微塵數劫。相續

不斷所得功德。若復有人聞此願王。一經於耳。所有功德。比前功德。百分不及一。千分不及一。乃至優波尼沙陀分。亦不及一。

○二顯餘衆行德。一總明法行畧說功德。

或復有人以淡信心。於此大願。受持讀誦。乃至書寫。一四句偈。速能除滅五無間業。所有世間身心等病。種種苦惱。乃至佛刹極微塵數。一切惡業。皆得銷除。一切魔軍。夜叉羅刹。若鳩槃荼。若毗舍闍。若部多等。飲血啗肉。諸惡鬼神。皆悉遼離。或時發心親近守護。

疏或復下。總明法行也。總有十種。一書寫。二供養。

三轉施。四聽聞。五披讀。六受持。七開示。八諷誦。九
思惟。十修習。今但有四。謂一受持。二讀。三誦。四書
寫。兼前聽聞。唯舉五行。乃至二字。義攝所餘。十法
行。辨中邊論頌云。書寫及供養。施他聽披讀受持
及開演。諷誦與思修。則通而言之。謂受持大乘教
法入理之方便也。賢首大師所製華嚴三昧觀門
第四簡教門中。假問云。衆生修行。爲要受持聖教
耶。爲要捨教耶。答有十類。一者自有衆生無識懸
捨聖言。師自愚心。復隨邪友。違教修行。巧偽誑惑
此爲惡人也。二者又有衆生。亦背聖教。以質直心
謂爲出要。勤修苦行。竟無所益。此上二人。俱捨聖
教。不依義理。三者唯誦聖言。不解義意。依傍聖教
求名求利。違自所誦。亦名惡人。四者唯逐文句。不
知義理。但以直心。讀誦雖無巧偽。亦無所益。此上
二人。俱不捨教。不得義理。如上四門。皆不可依。五
者讀誦聖言。分知解行。漸畧聖言。取意專修。七者受
廣尋聖教。徧知解行。漸畧聖言。取意專修。七者受

持得意唯在修行。不復尋言。八者。尋教得旨。知一切法無不稱性。是故於教亦不持捨。即此言教稱性。約教修行。尤者。常持稱性之教。不捨不著。恆觀絕言之理。不棄不滯。此上五門。猶未究竟。十者。尋教得實。理教無礙。常觀理而不礙。教常持教而不礙。理此即理教俱融。合爲一觀。方名究竟。此上十門。前四門全不可依。次五門從淺至深。隨根悟入。然但是革凡成聖之方便。猶未究竟。唯第十門。方爲究竟也。自教至大唐。古今有依法修學者。靈通感瑞。其類實繁。具如華嚴傳五卷。纂靈記兩卷。所說畧而言之。謂一書寫。經輝五色。卽後魏王延明。王元熙。英明博達。嘗以香和金寫經。一百部。每部五香。爲藏七寶函。盛日夜清齋行道。卽放神光。五色。焰燭庭宇。衆所咸觀。因而發心者。不可計數也。楮香。四達。僧德圓妙。統宗極修。一淨園種楮。鮮花香草。雜之。每洗浴。方入園。溉以香水。楮生三載。香氣四達。後以爲紙。寫經。纜書數行。每字皆放光明也。二供養瑞鳥。嚙華。僧法誠於藍谷。造華嚴堂。畫七處。九會變相。兼寫此經。專精供養。每有瑞鳥形色非常。嚙華入室。旋繞供養也。三轉施。灌掌之水。

尚拯生靈。僧彌伽多羅師子國第三果人。因至西
太原寺。遇諸僧轉華嚴經。忽然改容云。不知此處
亦有此經。合掌歡喜讚歎。言曰。此大方廣經功德
難思。西域相傳。有人稱讚此經。以水灌掌。水沾蟲
蟻。而捨命者。皆得生天。何況受持讀誦。思惟觀察
等。四聽聞。功齊種智。金剛菩薩云。聞此法門。如一
切智行所集福德。五披讀。眇然履空。隋朝禪定寺
僧慧悟。持華嚴經。與持涅槃經僧同隱終南巖棲
木食。各專其業。後有一人請齋。二人相讓。請者云。
請華嚴。悟和尙。卽便隨往。乃是山神。千羅漢皆推
之。令於上坐。齋畢。神呼一童令侍。乃入悟口。便得
神通。卻歸取經。辭涅槃僧。眇然履空而去。莫知所
往。六受持。煥若臨鏡。僧辯才。事裕法師。學華嚴經。
久而不悟。淨室專精三年。乃夢普賢指授。覺後悉
通。煥然猶如臨鏡也。七開示。華梵通韻。宋朝三藏
求那跋陀羅。天竺人。精華嚴。來至此土。七百餘人
請講。恨以華言未通。禮懺虔請。乃夢一人執劔持
一人頭。勿卻跋陀羅頭。安提來者。遂通唐言。講數
十遍。故云通韻。人天共遵。魏朝勒那三藏。中天竺
人。旣至此土。華音又通。講華嚴經次。忽有一人。執

笏形。如天官。云天帝令請師講華嚴經。都講維那
梵唄咸須同去。勒那曰。待講畢去得否。使云。可爾。
及講終。卽與都講等奄然卒於法座之上。人皆歎
仰。神光入宇。法藏和尚字賢首。十七辭親求法於
太白山。後母病歸覲。時嚴和尚於雲華寺講華嚴
經。至中夜。忽見神光。焰燭庭宇。知有異人。及明過
嚴和尚。卽敬事之。淡入華嚴旨趣也。良以一文之
妙。攝義無遺。故一偈之功。能破地獄也。京兆人。姓
王。不得名。歿被二人引至地獄。見一僧云。是地藏
令誦偈云。若人欲了知。三世一切佛。應觀法界性。
一切唯心造。遂得解脫。聲所至處。有受苦者。悉脫
其苦。後一日。卻蘇。憶持此偈。向道俗說。諸德尋經。
方得知是華嚴經。夜摩天偈也。八諷誦。每舍舍利。
安定郡。樊玄智。依順和尚誦華嚴經。每因誦經。口
中頻獲舍利。前後數百粒也。適會神僧。京兆苑律
師。貞觀年初。宿霸橋店。有一僧同。主人別房安下。
飲酒噉肉。律師持戒精潔。勃然戒之。其僧餐了。以
灰水嗽口。誦華嚴經。俄終一軸。未滿五更。一部都
罪。其律師入房。悲泣。謝訖。至明。便乃分袂。不告
名字。不知所至。九思惟。則無生入證。偈讚排空。卽

解脫和尙。臺山佛光寺立精舍。讀華嚴經。依經作
佛光觀。又求文殊。得見云。何須禮我。可自悔責。後
因自求。乃悟無生。遂欲廣禮諸佛。證此因緣。感諸
佛現。與說偈言。諸佛寂滅甚深法。曠劫修行今乃
得。若能開曉此法眼。一切諸佛皆隨喜。又問寂滅
之法。若為可說。教人佛即隱身。但有聲曰。方便智
為燈。炤見心境。界欲究眞實法。一切無所見。十修
習。海神聽而時雨。霧霏僧道英。亳州人。年至十二
親為之娶。五年同居。全無世事。後因聽講華嚴經。
乃出家。入太行山栢梯寺。修止觀。時年天旱。唯講
華嚴感二人。云是海神。來聽講經。遂令下雨。須臾
霧霏也。天童迎而大水。瀰漫。隋朝靈輪。講華嚴經。
住興善寺。常作兜率及華嚴觀。臨終之日。有天童
來迎。而不隨去。云吾志在華藏矣。尋見大水瀰漫。
蓮花滿中。乃忻然曰。此果吾願。遂與同住。僧童眞相別。
別訖。奄然而逝也。速能下畧說

功德也。唯說離惡。亦即現報。

言五無間業者。一受

以無中天者。三身量無間。以身徧滿故。四受苦無
間。無等流處所故。五受報無間。以決定順生故。由

具上五義。故名無間。隨造一業。便招此報。所言五
 者。卽五逆罪。謂殺父。害母。出佛身血。殺阿羅漢。破
 和合僧。此五隨犯一件。皆得逆罪。墮阿鼻獄。經一
 中劫。受無間苦。故名五無間業。又此五逆。有小大
 之異。上說五逆。猶是小逆。佛月藏經等。名爲大逆。
 故彼第八云。但出一佛身血。得無間罪。尚不可算。
 墮阿鼻獄。况出萬億佛身血者。終無有人說彼罪
 報。若有惱亂罵辱。打縛爲我剃髮者。袈裟片縷不
 受。禁戒及破戒者。得罪多彼。况持戒者。故名爲大
 下偈中云。極惡五無間也。又四重罪。名近無間。其
 罪亦重。故名爲近。除普賢願王及墮羅尼法威德
 力。無能除滅也。言所有世間身心等病者。依涅槃
 經說有二種。一者身病。二者心病。身病有五。一者
 因水。二者因風。三者因熱。四者雜病。五者客病。客
 病有四。一者非分強作。二者忘誤墮落。三者刀杖
 瓦石。四者鬼魅所著。一者心病。亦有四種。一者踊
 躍。二者恐怖。三者憂愁。四者愚癡。復次善男子。身
 心之病。凡有三種。一者業報。二者不得遠離。怨對
 三者時節代謝。生如是等因緣。名字受分別病。因
 緣者。風等諸病。名字者。心悶肺脹。上氣咳逆。心驚

下痢受分別者。頭痛。目痛。手足等痛。是名為痛受。所分別也。言種種苦惱者。此有二種。一即直指諸病。有種種苦惱。二即兼攝餘諸苦惱。謂諸所有逼迫等事也。明魔鬼潛護中。二義句。初明魔鬼遠離。後顯發心守護。初言魔者。梵語。具云魔羅。此云殺者。殺修行人智慧生命。故此為生灰之根本也。畧說有四。一煩惱魔。是生灰因。二天魔。是生灰緣。三蘊魔。四灰魔。是生灰果。今言魔軍者。即天魔也。軍者眾也。即下鬼神皆魔軍眾也。言夜叉者。此云敏捷。即捷疾也。羅刹者。即食血肉之鬼類也。海中有羅刹城。人落其中。多遭食啗也。鳩槃荼者。此云守宮神。亦云冬瓜鬼。以其陰囊似冬瓜也。毘舍闍者。取精氣鬼。餓鬼中。此稍勝也。部多者。此云大身鬼。亦云自生鬼。此類若從父母生者。名曰夜叉。若自生者。名曰部多。飲血等者。總舉諸類也。皆悉遠離者。後結遠離也。亦即現報者。對生報後報。以滿三也。

○二偏舉一行廣顯眾德。二。一舉一行舉一例餘

也

是故若人誦此願者

○二廣辨德。具多勝德。不出五果。鈔不出五果者。俱舍顯相云。異

熟無記法。有情有記生。但是無覆無記故。不通餘從善惡因所感。各有情有記生。又瑜伽云。諸不善法。於諸惡趣。受異熟果。善有漏法。於諸善趣。受異熟果。等流似自因。相似同類。兼說自因。又瑜伽二十八云。習不善故。樂任不善。則不善法。增長。習善法。故樂任善法。則善法。增長。為等流果。或似先業。後果隨轉。此有二義。後義果似於因。即此意也。如殺生短命等。前義即後果之報。如前世樂於殺生。今還好殺等也。離繫由慧盡。離諸結縛。名離繫果。慧者擇也。盡者滅也。謂此擇滅。離繫所顯。故將擇滅。釋離繫果。瑜伽論云。以道滅惑。名離繫果。又諸異生。以世俗道滅諸煩惱。不究竟。故非離繫果。若因彼力生。是果名土用。若法因彼力生。如因地加行力。生是果。有漏定生。然離繫名。為不生。由道力證得。亦得名為不生。土用果也。除前有為法。有為增上果。

謂有爲法。生餘法。不障。是增上果。故增上果。唯
 有爲法。除前已生有爲之法。非增上果。謂果望
 因。或俱。或後。必無前果。後因。故云。除也。除此前
 後。餘諸有爲。爲增上果。論云。增上之果也。又
 伽云。若眼識等。是眼根。增上果。乃至意識。是意
 根。增上果。衆生身分。不散。不壞。是命根。增上果。
 解云。眼等諸根。不障識。生身分。不壞。不散。令不
 斷。命根。皆以不障義。邊名。增上果也。仔細詳意
 用之。問。士用。增上。何別。答。士用。唯對作者。增上
 通對所餘。如匠所成。對能成匠。具得士用。增上
 果名。對所餘。非匠。非匠。非造。故非士用也。然上所
 引。是俱舍根品。彼以六因。成斯五果。非今所要
 今。但以誦菩薩賢行願文。三一。通明五果。一。增上
 一。因。自然具斯五果。

果

行於世間。無有障礙。如空中月。出於雲霧。諸佛菩薩
 之所稱讚。一切人天。皆應禮敬。一切衆生。悉應供養。

〔疏〕增上果。有增上用故。

○二等流果

此善男子善得人身。圓滿普賢所有功德。不久當如普賢菩薩。速得成就微妙色身。具三十二大丈夫相。

〔疏〕等流果。亦滿普賢功德行故。鈔言三十二相者。一足下平如奩底。

二足下千輻輪。三足跟梵王頂。四手指纖長。五其身方直。六手足網縵。七手足柔軟。八節踝臍滿。九身毛上靡。十鹿王牘。十一其身圓滿。十二垂手過膝。十三頂有肉髻。十四無見頂。十五馬陰藏。十六皮膚細滑。十七身毛右旋。十八身紫金色。十九七處平滿。二十柔軟聲。二十一缺骨充滿。二十二師子上身。二十三臂肘臍纖。二十四齒白齊密。二十五四十齒。二十六得二牙。二十七師子頰。二十八口中上味。二十九廣長舌。三十梵螺聲。三十一目睫紺青。三十二眷間白毫相等。如是諸相。下自三

賢菩薩。作轉輪王。雖圓明。已有此相。乃至等覺。猶
經百劫。修佛相好。應知。皆自十善。為因。百福莊嚴。
方得成滿。言百福者。謂十善法。具起百思。如一不
殺。有五思。謂離殺思。勸導思。讚美思。隨喜思。迴向
思。如是。乃至。不邪見。亦爾。於一相。引布自身。必
須前起。五十思。乃引一相。後起。五十思。以覆之前。
後合。為百思。名為百福。百福具足。方成一相。此名
共因。如涅槃經。師子吼品。如是。三十二相。一皆
有別因。如彼經云。若有菩薩。摩訶薩。持戒不動。施
心不移。安住實語。如須彌山。以是業緣。得足下平
如奩底相。若於父母師長。乃至畜生。以如法財。供
養供給。以是業緣。得足下千輻輪相。若不殺不盜。
於父母師長。常生歡喜。以是業緣。得成三相。一手
指纖長。二足跟長。三身方直等。若修四攝法。攝取
有情。得網縵指。如白鵝王。父母師長。若病疾時。自
手洗拭。捉持按摩。得手足柔軟。若持戒聞法。惠施
無厭。得二相。一節蹠滿。二身毛上靡。若專心聽
法。演說正教。得鹿王。臨相。於諸有情。不生害心。飲
食知足。常樂惠施。瞻病給藥。得身圓滿。如尼俱律
隨樹。立手過膝。頂有肉髻。及無見頂。見怖畏者。為

作救護。見裸跣者。施與衣服。得馬陰藏相。親近智者。遠離愚人。善喜問答。掃治行路。得皮膚細軟。身毛右旋。若以衣服飲食。臥具醫藥。香華燈明。施人得身金色。常光煥耀。若行施時。所珍之物。能捨不吝。不觀福田。及非福田。得七處滿。於布施之時。心不生疑。得柔軟聲。若如法求財。以用布施。得缺骨平滿。師子上身。臂肘臚繼。遠離兩舌惡口。恚心。得四十齒。白齊密。於諸衆生。修大慈悲。得二牙相。常作是願。有來求者。隨意給與。得師子頰。隨諸所須之食。悉皆與之。得味中上味。自修十善。兼以化人。得廣長舌。不煩彼短。不謗正法。得梵音聲。見彼怨憎。生於喜心。得目紺色。不隱他德。稱揚其善。得白毫相。如斯一一各別。修之。方能滿足。三十二相。今以普賢行願一因。卽能感此三十二相也。

○三異熟果

若生人天。所往之處。常居勝族。

〔疏〕異熟果。乘因感果故。

○四士用果

悉能破壞一切惡趣。悉能遠離一切惡友。悉能制伏

一切外道

○疏士用果。有善菩薩用故

○五離繫果

悉能解脫一切煩惱。如師子王摧伏羣獸。堪受一切

眾生供養

○疏離繫果。八支聖道。滅煩惱故。鈔言一切煩惱者。謂根隨煩惱也。根

本有六。一貪。二瞋。三無明。四慢。五疑。六不正見。開即為十。開不正見為五。一身見。二邊見。三邪見。四見取。五戒禁取。故開為十。即六通俱生。十分別起。是惑之根本。故名根本煩惱。二隨煩惱有二十。一

念。一恨。二惱。三覆。四誑。五誑。六諂。七僞。八害。九嫉。十慳。
十一無慚。十二無愧。十三不信。十四懈怠。十五放。
逸。十六昏沉。十七掉舉。十八失念。十九不正知。二。
十散亂。於中念等十箇名小隨。無慚愧二名中隨。
不信等八名爲大隨。以隨根本惑勢力而起。故名。
隨煩惱也。亦通俱生分別。分別起者。行相粗淺。入。
見卽除。俱生起者。行相微細。至果方盡。總舉諸惑。
故云一切也。如師子王等者。師子獸中之王。一吼。
之時。衆獸潛伏。行願威神。亦復如是。由茲行願正。
念現前。乃至成佛。永斷諸惡。故云如等。言八支聖。
道者。卽八正道也。謂正見。正思惟。正。
語。正業。正命。正精進。正念。正定等。

○二別明淨土果二一顯法功能

又復是人。臨命終時。最後剎那。一切諸根。悉皆散壞。
一切親屬。悉皆捨離。一切威勢。悉皆退失。輔相大臣。
宮城內外。象馬車乘。珍寶伏藏。如是一切無復相隨。

唯此願王不相捨離。於一切時引導其前。一刹那中。即得往生極樂世界。

〔疏〕謂報盡捨命。一切不隨。唯此願王引生淨土。同無常經。眷屬皆捨去。財貨任他將。但持自善根。險道充食糧。鈔如俱舍論。通說臨終之時。有多般事。或有極少節。解便致成。是為未摩。苦地水火風隨。一增減。如利刀刃。觸彼未摩。因此便生。增上苦受。業斯不久。遂致命終。又復人間。復有種種成相。或中他毒藥。或風病失音。或鬼神所錄。或懷胎艱難。或大水漂溺。或野火所燒。或惡獸傷殘。或無辜誅戮。或雷電霹靂。或戰陣敗亡。或王法臨刑。或冤家鋒刃。諸般捨壽。難可具名。乃至諸天命將終位。亦先有五種小衰相現。一者衣服出非法聲。二者自身光明忽然昧劣。三者於沐浴位。水滯著身。四者本性囂馳。今滯一境。五者眼本凝寂。今數瞬動。此五

相現。定。灰。不。疑。也。復。有。五。種。大。衰。相。一。衣。染。塵。垢。
 二。華。鬢。萎。萃。三。兩。腋。汗。出。四。鼻。氣。入。身。五。不。樂。本。
 座。此。五。相。現。必。定。應。灰。金。光。明。經。說。人。灰。之。相。云。
 兩。眼。白。色。變。舌。黑。鼻。梁。欹。耳。豎。項。筋。垂。下。脣。垂。向。
 下。又。涅。槃。云。於。醫。人。所。不。生。恭。敬。心。於。諸。親。友。生。
 荆。棘。心。此。是。灰。相。如。寶。積。經。說。最。後。捨。壽。之。際。心。
 極。明。了。一。切。善。惡。皆。悉。現。前。畏。喜。心。生。即。便。往。趣。
 也。此。即。通。說。一。切。灰。相。今。誦。持。人。即。不。為。彼。如。是。
 惡。相。之。所。逼。迫。也。二。諸。根。散。壞。三。親。屬。捨。離。四。威。
 勢。退。失。五。一。切。不。隨。文。顯。可。知。此。願。不。離。義。分。為。
 三。一。願。王。不。離。二。引。導。長。時。三。得。生。極。樂。言。極。樂。
 世。界。者。謂。其。國。衆。生。無。有。衆。苦。但。受。諸。樂。故。名。極。
 樂。或。名。安。樂。亦。名。安。養。即。阿。彌。陀。佛。所。依。之。國。土。
 其。國。乃。地。瑩。七。珍。池。通。八。德。風。搖。樹。響。與。天。樂。以。
 齊。鳴。水。激。清。波。將。法。音。而。同。韻。是。以。六。方。調。御。金。
 口。稱。揚。三。世。如。來。致。心。護。念。總。斯。多。義。故。以。為。名。
 也。

○二別明勝果

到已。即見阿彌陀佛。文殊師利菩薩。普賢菩薩。觀自在菩薩。彌勒菩薩等。此諸菩薩。色相端嚴。功德具足。所共圍遶。其人自見生蓮華中。蒙佛授記。得授記已。經於無數百千萬億那由他劫。普於十方不可說不可說世界。以智慧力。隨眾生心。而為利益。

疏到已下。明利生正化。亦異熟果。乘此善因。淨土

生故。鈔阿彌陀佛者。此云無量壽。由二義故。名阿彌陀。一光明無量故。二壽命無量故。故阿彌陀。彼佛何故號阿彌陀。彼佛光明無量無邊。照十方國。無所障礙。是故號為阿彌陀。彼佛壽命。及其人民。無量無邊阿僧祇劫。故名阿彌陀。由昔因中大願。光明與壽俱無量故。故以名焉。故大無量壽經云。設我得佛。光明有限。下至不照百千億那由他諸佛國者。不取正覺。又云。若我成佛。壽量

有限。下至億那由他百千及算數劫者。不取菩提。
隣云。阿彌陀者。六十萬億那由多恆河沙由旬是。
其身無量無邊不可思議。阿僧祇劫是其壽。目澄
四海。毫映五山。光明無有涯。眷屬不知數。足不行
而十方徧。口不言而萬類聞。左侍觀音。右翼勢至。
國有十善。土無三惡。一稱名字。滅殃罪八十億劫。
一禮形像。獲相好八萬四千。舉手低頭。無非是益也。得授下。明利生大用。亦
士用果。

○三究竟成佛果

不久當坐菩提道場。降伏魔軍。成等正覺。轉妙濃輪。
能令佛刹極微塵數世界衆生發菩提心。隨其根性
教化成熟。乃至盡於未來劫海。廣能利益一切衆生。
〔疏〕亦離繫果。究竟離故。然前段中。初一現報果。今

此成佛。卽後報果。中間諸果。皆是生報。唯誦一行。
五果具足。三報昭彰。終至菩提。于何不習。

大科第二顯經勝德竟

○三結勸受持

善男子。彼諸衆生。若聞若信。此大願王。受持讀誦。廣
爲人說。所有功德。除佛世尊。餘無知者。是故汝等。聞
此願王。莫生疑念。應當諦受。受已能讀。讀已能誦。誦
已能持。乃至書寫。廣爲人說。是諸人等。於一念中。所
有行願。皆得成就。所獲福聚。無量無邊。能於煩惱大
苦海中。拔濟衆生。令其出離。皆得往生阿彌陀佛極

樂世界。

〔疏〕善男子下。結前勝德。上猶畧歎。今說無盡。是故汝等下。正明勸持。通十法行。是諸人等下。重舉勝德。殷勤頌德。意在勸持。然此經一卷。文少義豐。實修行之玄樞。乃華嚴之幽鍵。功高德遠。何不修持。

西域王臣。未有不習。

〔鈔〕經言皆得往生等者。自此詣彼。名之為往也。準十六觀

經說往生之人。總有九品。隨其品類。隨其行業。方得往生。言九品者。一上品上生。發三種心。謂菩提心等。又有三種。一者慈心不殺。具諸戒行。二者讀誦大乘方等經典。三者修行六念。廻向發願。具此一日。乃至七日。壽尊與二菩薩。無數化佛。聲聞大眾。執金剛臺。至行者前。授手迎接。纔生彼國。即悟無生。須臾至十方界。名上品上生。二上品中生。謂於第一義心不驚動。深信因果。不謗大乘。壽尊與

二菩薩持紫金臺。至行者前。與千化佛。一時授手。
一。念生彼大寶華中。經宿即開。七日便得菩提。不
退。飛行十方。名上品中生。三上品下生。亦信不謗。
但發大菩提心。臨終見佛。與二菩薩持金蓮華。五
百化佛。一時授手。一日一夜。蓮華乃開。至七日後。
即得見佛。三七日後。遊歷十方。蒙佛授記。名上品
下生。四。中品上生。不造五逆。持五八戒。臨終見佛。
讚歎出家。得離眾苦。便坐華臺。未舉頭頃。即生淨
土。蓮華尋開。得阿羅漢果。名中品上生。五。中品中
生。受持八戒。若一晝夜。持沙彌戒。若具足戒。威儀
無缺。臨終見佛。慰喻往生。七日華開。得預流果。六
中品下生。孝養父母。行世仁慈。遇人為說佛土功
德。及法藏比丘四十八願。雖不見佛。命終亦生。七
日華開。亦得預流果。七下品上生。雖不謗經。如此
愚人。多造惡業。無有慚愧。臨終聞讚大乘十二部
經文。復稱佛號。化佛慰喻。即得往生。經七七日。華
開。見聖聞甚深法。八下品中生。毀犯眾戒。偷僧祇
物。不淨說法。無有慚愧。諸惡嚴身。臨命終時。獄火
俱至。遇善知識。解脫解脫。知見聞已。除滅八十億劫生處
戒定慧解脫解脫。知見聞已。除滅八十億劫生處。

重罪。火變涼風。化佛迎接。一念往生。六劫華開。發無上道意。九下品下生。五逆十惡。具諸不善。應墮惡道。受苦無窮。臨終苦逼。不遑念佛。但稱名號。令聲不絕。具足十念。命終之後。見金蓮華。一念往生。滿十。二劫華開。得聞諸法。實相。除滅罪行。發無上道意。是卽九品往生。各各須具多種功德。方得往生也。又如大藏中。有百餘本。或經或論。說修彼因。莫非勤積。方得生彼。今唯誦經一行。一利。那中。便得往生。蒙佛授記。甚爲奇妙也。大科第三結勸受持竟。已上

長行三大科竟

○二偈頌 二一標舉

爾時普賢菩薩摩訶薩。欲重宣此義。普觀十方而說

偈言

鈔言重宣者。重頌之意。總有其四。一爲後來不聞。欲令得聞故。二爲未悟之者。重聞令悟解故。三爲

長行文畧。以偈廣之。令易曉會故。四爲結句受持。文於易故。有斯四意。故重頌之。

○二正頌。三。一頌正示普因。二。一別頌前十門。文

但有七。後三合故。文八。一頌禮敬諸佛

所有十方世界中。三世一切人師子

我以清淨身語意。一切徧禮盡無餘

普賢行願威神力。普現一切如來前

一身復現刹塵身。一一徧禮刹塵佛

〔疏〕初二句頌所禮。次一句頌能禮。次句明周徧。次

句辨徧因。後三句別顯禮相。謂一一佛所。各有多

身。一一己身。能起多禮。故晉經云。一一如來所。一

切刹塵禮

○二頌稱讚如來

於一塵中塵數佛

各處菩薩眾會中

無盡灑界塵亦然

深信諸佛皆充滿

各以一切音聲海

普出無盡妙言辭

盡於未來一切劫

讚佛甚深功德海

鈔稱讚二偈中。前偈明所讚。唯深信二字屬能讚。因後偈全顯能讚於中前半偈明讚相。次一句明讚時。末後一句正明稱讚。

○三頌廣修供養

以諸最勝妙華鬘

伎樂塗香及傘蓋

如是最勝莊嚴具

我以供養諸如來

最勝衣服最勝香

末香燒香與燈燭

一一皆如鈔高聚

我悉供養諸如來

我以廣大勝解心

深信一切三世佛

悉以普賢行願力

普徧供養諸如來

〔疏〕此中唯說本行供養。不頌按量法供養勝。豈得

唯舉劣供養耶。明知長行。按量本行。鈔供養中三

三句標所供具。後一句。正申供養。後偈中除一切

三世佛五字是所供境。末後一句。正申供養。餘皆能供

○四頌懺除業障

我昔所造諸惡業

皆由無始貪瞋癡

從身語意之所生

一切我今皆懺悔

鈔四懺悔偈中。初句標所懺業。次句明造業因。次句指造業具。末後句。正申懺悔。

○五頌隨喜功德

十方一切諸衆生

二乘有學及無學

一切如來與菩薩

所有功德皆隨喜

鈔次隨喜偈中。前二句。餘四字。明所隨喜。後三字。明能隨喜。前中初句有情。次句二乘。後句大乘。就初句中。前四字。通標切。後三字。正顯有情。

○六頌請轉法輪

十方所有世間燈

最初成就菩提者

我今一切皆勸請

轉於無上妙漚輪

鈔次請轉法輪偈中。前二句標所勸請。次一句正明勸請。後一句明所請事。

○七頌請佛住世

諸佛若欲示涅槃

我悉至誠而勸請

唯願久住刹塵劫

利樂一切諸眾生

鈔請佛住世偈中。初句標所請。次句正明勸請。下二句申勸請意。於中初句明任所經時。下句述所請事。

○八合頌後三以後三行皆迴向故。八九但是迴

向別義。八隨佛學。是向菩提。通於二利。九順眾生是向眾生。一向利他。故此三門。不相捨離。文

二一合頌三門。二頌願生淨土。初中三。一總標
迴向。二別頌三門。三結歸迴向。彌顯二門皆迴
向也。今初。以該八九。故不依前次。

所有禮讚供養福

請佛住世轉濠輪

隨喜懺悔諸善根

迴向眾生及佛道

〔疏〕前三句牒前所迴善根也。八九二門屬迴向。故
但牒前七。後一句正明迴向也。畧舉二處。實際離
相。徧該於二。在無盡中。

○二別頌三門。卽分爲三。雖同迴向。長行旣開。故
畧標別義。文三。一頌隨如來學。

我隨一切如來學

修習普賢圓滿行

供養過太諸如來

及與現在十方佛

未來一切天人師

一切意樂皆圓滿

我願普隨三世學

速得成就大菩提

鈔頌隨佛學中。初句標示。次四句正明隨學。次一
 句示隨學所因。次一句結成隨學。後一句隨學意。
 言天人師者。天者。名書。天上書長夜短。是故名天。
 又天者。名無愁惱。常受快樂。是故名天。又天者。名
 為燈明。能破黑暗。而為大明。是故名天。亦以能破
 惡業黑暗。得於善業。而生天上。是故名天。又天者
 名吉。以吉祥。故得名為天。又天者。名曰。日有光明
 故名曰為天。以是義。故名為天也。人者。名曰。能多
 思慮。又人者。身口柔軟。又人者。名有慢。又人者。能
 破慢。經云。善男子。諸佛雖為一切眾。生無上大師。
 然經中說。為天人師。何以故。善男子。諸眾生中。唯
 天與人。能發阿耨多羅三藐三菩提心。能修十善。

業道能得須陀洹果。斯陀含果。阿那含果。阿羅漢果。辟支佛道。得阿耨多羅三藐三菩提等。故號佛爲天人師也。

○二頌恆順衆生

所有十方一切刹

廣大清淨妙莊嚴

衆會圍遶諸如來

悉在菩提樹王下

十方所有諸衆生

願離憂患常安樂

獲得甚深正法利

滅除煩惱盡無餘

〔疏〕以順衆生。卽順諸佛。故先舉諸佛。又佛坐樹下。

爲化衆生。故晉譯云如來坐道場。菩薩衆充滿令

十方衆生。滅除諸煩惱。明知不相違。

鈔外難云本明順生何先

舉佛。故疏釋云。以順衆生。卽順諸佛等。

○三頌前迴向。前畧今廣。此下大願。亦是伽陀迴向與願。大同小異。異者。謂迴向要有所迴善根。發願無善。亦可要誓。言大同者。十迴向位。大願爲體。總願別願。皆迴向故。今此卽是迴向大願。〔鈔〕三頌前迴向者。卽我爲菩提修行時下三十偈。於中三一會通長行。二會通初地。三解釋本文。今初疏亦是伽陀者。梵云祇夜。此云重頌。謂頌長行也。如前偈等。梵云伽陀。此云諷誦。謂孤起諷讚。非頌前文。然此十願。若以頌前迴向。則是祇夜。若以長行文。中無別十大願之文。卽是伽陀。故云亦也。亦者非全一。向疏總願別願者。如願成就佛菩提。爲總願也。於中自利利他。不同爲別願也。是迴向大願者。十迴向。旣是大願之迴向。故知大願。是迴向之大願。文有

十願。全同初地。但次不同。彼中次者。一供養願。二受持願。三轉法輪願。四修行二利。五成熟衆生。六承事。七淨土。八不離。九利益。十成正覺。今次如經。文二。一別發大願。十一受持願。

我爲菩提修行時 一切趣中成宿命

常得出家修淨戒 無垢無破無穿漏

天龍夜叉鳩槃荼 乃至人與非人等

所有一切衆生語 悉以諸音而說灑

〔疏〕亦名護法願。故十地經云。願受一切佛法輪。願攝一切佛菩提願護一切諸佛教。願持一切諸佛

法。今文初句攝菩提。次句持佛法。次二句護佛教。

修行戒行爲護行故。破穿之義已見上文。妙在章

中。鈔第一我爲下二偈。明受持願。卽彼第二願也。

疏故十地云至一切諸佛法者。此四句全寫彼行相之文也。彼釋云。但言釋云。卽彼疏引論釋也。下皆準此。四句皆通二利。然若約能受持等說。受

謂領受攝謂攝屬護謂防護。持謂任持。故勝鬘經云。攝受正法。護持正法。若約所受持等。卽一教。二

果。三行。四理。二云護教。判爲行法者。論云。謂修行

教法於修行時。有諸障難。攝護救濟。故能受等。交

難互舉。義實皆通。言常得出家修淨戒者。家謂家

宅。以拘繫爲義。離煩惱縛。名曰出家。又在家迫窄

猶如牢獄。出家寬曠。猶如虛空。又智度論云。孔雀雖有色嚴身。不如鴻鶴能遠飛。在家雖有五欲樂。不如出家功德深。又如心地觀經。佛爲智光長者。說出家在二種勝劣。佛言。出家菩薩勝於在家。無量無邊。不可爲比。何以故。出家菩薩以正慧力。微細觀察在家所有種種過失。所謂世間一切舍

宅積聚其中。不知滿足。猶如大海。容受一切。大小河水。不知滿足。又云。在家之人。心恆起妄想。執著外境。不能了真。無明昏醉。顛倒觸境。亦常不住。惡覺易起。善心難生。由妄想緣起。諸煩惱。因眾煩惱。造善惡業。依善惡業。感五趣果。如是如是。生。歿。不斷。出家菩薩。能如是觀。厭離世間。名真出家。偈云。出家苦。薩勝在家。算分喻分。莫能比。在家迫窄。如牢獄。欲求解脫。甚為難。出家閒曠。若虛空。自在。無為。離繫著等。又云。若有男子。一。日。一夜。出家受戒。二百萬劫。不墮惡道。以是因緣。故願常得也。疏破穿之義。至妙。任章中者。即善財第四善友。妙任比丘。大經則名善任也。此善友。寄第三修行任也。此章中說二十種戒。彼疏將配廻向品二十梵行。於中第十二名。不缺漏戒。配第二不缺梵行。又第二十重。猶如破器。無所復用。最粗重故。今經云。無垢。即無垢戒。又云。無破。即不破梵行。無穿漏。即不缺漏戒。雖加穿字。無缺字。而穿與缺義。亦不殊。故指彼釋。此意亦同。涅槃經。後偈願受一切佛法輪。麥見羅利。乞浮囊之喻也。

卽是如來以一切音而說諸法。今能徧受持故。上經云。能令三界所有聲聞者皆是如來音。

○二修行二利願

勤修清淨波羅蜜

恒不怠失菩提心

滅除障垢無有餘

一切妙行皆成就

於諸惑業及魔境

世間道中得解脫

猶如蓮華不著水

亦如日月不住空

〔疏〕於中一切妙行皆成就者。此是總句。謂廣大無

量。世出世間種種行故。亦行方便。

〔鈔〕此是總句者。文云一切。故是

總也。以隨義便。故不依次釋之。下多做此。疏謂廣大無量。至種種行故者。彼經云。願一切菩薩行。廣

大無量不壞不雜。論釋云：廣大無量是世間行。意明俗智之行。廣從初地乃至六地。大者七地。無量者八地。已上不壞不雜。是出世間行。不雜世間有漏法。故不壞者。冥同真性。故疏亦行方便者。彼經行中有四位。行相行體行業行方便。行方便中。以六相圓融。令一行具一切。行爲方便。經云：攝諸波羅密。淨治諸地。總相別相。同相異相。成相壞相。所有菩薩行。皆如實說。教化一切。令其受行。心得增長。今云一切妙行皆成就者。文合彼意。故指云行方便也。餘三此配之。在疏可見。餘句爲

別初句行體。卽十波羅密除蔽清淨。初句行體者。前云廣大無

量者。世出世間等。正辨此十波羅密之相。故此云體也。第三句是行業。以十

度行。淨十種蔽。助真如觀。淨十種障故。十度行可知。十種蔽

者。謂一慳貪。二毀禁。三瞋恚。四懈怠。五散亂。六愚癡。七耽滯。八退屈。九怯劣。十昧事。此十隱蔽妙行。故以十度。如次除之。疏助真如觀者。智觀真如爲正道。十波羅密爲助道也。故云助觀。以淨十障。十

障十如。義在玄。談鈔中明也。後偈行相於諸惑業得解脫者。卽

出世間行。及魔境界。世間道中得解脫者。卽世間

行。猶如蓮華及日月喻。雙喻二行。處於世界。猶如

虛空。亦如蓮華。不著水故。身心清淨。超彼岸故。地

行相之文。卽前所引廣大無量。世出世間等也。今

此一偈前半法。後半喻。法中上句卽出世間行。下

句卽世間行。解脫之言。意兼上句出世解脫。出世

解脫。卽全超世間。世間解脫。卽處之不染。下半偈

喻。雙喻二行也。亦可日月喻。出世解脫。上之七句。

不任空故。蓮華喻世間解脫。在水中故。皆是能增長行。第二句是所增長心。由依此義。此

行亦名心增長行。故十地云。令其受行。心得增長。

取地經地論文勢。故以諸行增長菩提心。若直據此文。亦可由菩提心而增長諸行。卽心是能增長

行是所增長。故離世間品云。若忘失菩提心而修
行諸善根者。是為魔業。又標在二千之行。最初。况
此次云。出魔境等。義亦相扶。彼文。此一段文。
請以疏中所引地經及此經偈。相對詳之。

○三成熟衆生願

悉除一切惡道苦

等與一切羣生樂

如是經於刹塵劫

十方利益恒無盡

我常隨順諸衆生

盡於未來一切劫

恒修普賢廣大行

圓滿無上大菩提

〔疏〕第五句爲總。餘句爲別。初句離苦。因果皆離。次
句得樂。乃至涅槃。第三豎長。第四橫徧。後三句。總
結長時所成因果。卽十地經。令其安住一切智智。

道。鈔地經先舉所化四生九類衆生後明所爲云。如是等類我皆教化。令入佛法。令斷一切世間惡趣。令安住一切智智道。文勢全似金剛經也。斷世間趣卽上句。令入佛法卽此下句也。

○四不離願

所有與我同行者

於一切處同集食

身口意業皆同等

一切行願同修學

所有益我善知識

爲我顯示普賢行

常願與我同集會

於我常生歡喜心

〔疏〕謂願於一切生處恆不離佛。及諸菩薩得同意

行故亦名心行願。願不離一乘故。鈔於一切生處恆不離佛及諸

菩薩等者。如智度論三十二云。如以少湯投水池上雖消少處。返更成水。菩薩未入法位。若遠離諸

佛以少功德無方便力。欲化衆生。雖小利益。返更墮落。以是新學菩薩。不應遠離諸佛也。又念我未得佛眼。如盲無異。若不爲佛所引導。卽無所趣。菩薩見佛。得種種利。得大智慧。隨法修行。而得解脫。等又大品云。菩薩漸近薩婆若。漸得身清淨。心清淨。相清淨。是故不生貪瞋癡慢。乃至邪見心。故終不生母胎腹中。常得化生。從一佛國。至於佛國。成就衆生。乃至菩提。不離見佛等。亦名心行願者。以同心志。在於一乘。故卽爲心行願也。初句爲總同志一乘故。餘句爲別於中。先三句。自分行同。意業同者。平等一緣故。身業同者。同得如意神通故。語業同者。同說一味法故。上卽三輪同。一切行願同者。若福若智。萬行皆同。後一偈勝進同。以更成益。復顯示故。後一偈前云同行。故名自。分此云益我。故名勝進也。

○五供養願。願供勝田故。

願常面見諸如來

及諸佛子眾圍遶

於彼皆興廣大供

盡未來劫無疲厭

願持諸佛微妙法

允顯一切菩提行

究竟清淨普賢道

盡未來劫常修習

〔疏〕第三句爲總。興廣大供故。大有六種。一心大。無疲厭故。二供具大。財法正行皆具足故。財供攝在總句。正行卽第五六句。三福田大。卽初二句。四攝功德大。卽第七句中究竟普賢道。是勝功德故。五因大。卽第七句中清淨二字。如空清淨。爲無常變。

果。及常果之因故。六時大。卽第八句。鈔大有六種者。彼經行相。

及德能中。各有三義。通成六大。顯初供養大願之義。行相中三大者。經云。所謂生廣大清淨決定勝。

解。以一切供養具。恭敬供養。一切諸佛。令無有餘。一心大。二供具大。三福田大。然俱舍偈云。由財田。

主異。故施果差別。今財田主三。一切皆勝。果卽不差別也。審詳德能中三大者。經云。廣大徧法界。究。

竟如虛空。盡未來際。一攝功德大。二因大。無常變果。無量因故。三時大。此因得涅槃。常果故。以如上。

六大。一對今疏文。六義卽顯也。如虛空清淨。爲無常變果。及常果之因故者。卽十地經六決定中。

第四因善決定也。經云。究竟如虛空。盡未來際。論云。是因善決定。此有二種。一成無常變果。因如虛。

空。依是生諸色。色不盡故。二常果。因得涅槃。道故。故經云。盡未來際。上皆論文。彼疏釋云。今明此智。

有其二能。一寂而常用。故爲無常果。因用雖虧盈。智無起滅。如所依空。非無常故。經明此智。究竟如。

虛空。二用而常寂。故爲常果。因雖涅槃永寂。而智體不無。若不爾。將何窮未來際。若會三身者。卽用。

爲化身。寂爲法身。智爲報身。非無常矣。不同法相。宗報身是有爲無漏。論云。無常變果者。用適機故。此上皆十地地體中經文疏文也。彼常果因在時大中已辨也。

○六利益願

我於一切諸有中

所修福智恒無盡

定慧方便及解脫

獲諸無盡功德藏

一塵中有塵數刹

一一刹有難思佛

一一佛處眾會中

我見恒演菩提行

〔疏〕願於一切時。恆作利益衆生事業。無空過故。亦名三業不空願。前偈修福智等爲不空因。獲無盡藏是不空果。謂覿見身。則必定佛法。覿聞音聲。則

得實智慧。纔生淨信。則永斷煩惱。得如大藥王樹。

身。得如如意寶身。名功德藏。鈔一切眾生有二種苦。一種種諸苦。謂逼

迫等。若身若心。藥王治之。出現品云。譬如雪山有藥王樹。名曰善見。若有見者。眼得清淨。若有聞者。

耳得清淨。若有嗅者。鼻得清淨。若有嘗者。舌得清淨。若有觸者。身得清淨。若有眾生取彼地土。亦能

為作除病利益。佛子。如來應正等覺。無土藥王。亦復如是。能作一切饒益。眾生若有得見如來色身。

眼得清淨。若有得聞如來名號。耳得清淨。若有得嗅如來戒香。鼻得清淨。若有得嘗如來法味。舌得

清淨。具廣長舌。解語言法。若有得觸如來光者。身得清淨。究竟獲得無上法身。若於如來生憶念者。

則得念佛三昧。清淨。若有眾生供養如來。所經土地。及塔廟者。亦具善根。滅除一切諸煩惱患。得賢

聖樂。佛子。我今告汝。設有眾生。見聞於佛。業障纏覆。不生信樂。亦種善根。無空過者。乃至究竟入於

涅槃也。二貧窮苦。世財法財。如意治之。言得如意寶。身者。此即出現品。明十身相中。第十相。名如如。

意寶身。故彼經云。復次佛子。譬如大海有大如意摩尼寶王。名一切世間莊嚴藏。具足成就百萬功德。隨所住處。令諸眾生。災患消除。所願滿足。然此如意摩尼寶王。非少福眾生所能得見。如來身如意寶王。亦復如是。名為能令一切眾生皆悉歡喜。若有見身聞名讚德。悉令永離生處苦患。假使一切世界一切眾生。一時等心欲見如來。悉令得見。所願皆滿。佛子。佛身非是少福眾生所能得見。唯除如來自在神力所應調伏。若有眾生。因具佛身。便種善根。乃至成熟為成熟故。乃至得見如來身耳。佛子是為如來身第十相。即兼前如大藥王樹身。並喻佛身。以塵沙功德積集成。故名功德藏。後偈利益時處。謂徧於時處。求能益法。利眾生故。十地經云。願乘不退輪。修菩薩行。令見諸佛。演菩提行。即乘教誠輪。修菩薩行故。

○七轉法輪願

普盡十方諸刹海

一一毛端三世海

佛海及與國土海

我徧修行經劫海

一切如來語清淨

一言具衆音聲海

隨諸衆生意樂音

一流佛辯才海

三世一切諸如來

於彼無盡語言海

恒轉理趣妙濃輪

我深智力普能入

〔疏〕亦名攝法上首願。謂轉佛法輪。願皆攝取而轉。

授故文中初偈轉法輪處。若據有修行之言者。合

屬前段爲修行處。前已有處。此中晉譯。及興善本

皆無修行。故屬此段。鈔此段通伏難也。難云。此偈雖標刹海而結云。我徧修行。

應屬前段云何判屬法
輪願中。通釋如疏也。次一偈能轉圓音。次二句

轉法輪時。第十一一句所轉法輪。末後一句能攝

方便

○八淨土願

我能深入於未來 盡一切劫為一念

三世所有一切劫 為一念際我皆入

我於一念見三世 所有一切人師子

亦常入佛境界中 如幻解脫及威力

〔疏〕願清淨自土安立正法及能修行諸衆生。鈔通論淨

土有其三種。一常寂光土。二常受用土。三常變化土。言常寂光土者。亦名法性土。即法身佛所依土。

也。普賢觀經云。釋迦牟尼佛。名毘盧遮那。其佛在處。號常寂光。謂法界真。理不生不滅。故名常。無相無爲。故名寂。性離垢染。體常明。焰故名光。依止義。邊名之爲土。故名常寂光土。問。法身如來。徧一切處。何有所依土耶。答。唯識論云。雖此身土。體無差別。而屬佛法。相性異。故此但約義。強分。以法界理。有二種義。一者覺。焰義。卽名爲佛。二者與塵沙萬德。爲依止義。卽名爲土。屬佛之處。相義。名身。謂實相之相也。屬法之處。性義。名土。卽自性身。假分身土也。二常受用土者。有二。一自受用。二他受用。言自受用者。謂大圓鏡智。淨識所現。周圓無際。衆寶莊嚴。自受用身。常依而住。名自受用土。問。何以鏡智現此土耶。答。以因中有漏。第八識能變山河大地。器世間等。佛位無漏。轉成大圓鏡智。還能變起。自受用土。與自受用佛爲依止。故云鏡智所現也。言他受用土者。由平等性智爲他所變。或小或大。展轉精嚴。他受用身。依止而住。言變化土者。由成事智。大悲願力。爲未登地菩薩。二乘異生所變。或淨或穢。大小不同。三類化身。依之而住。問。何故化土有淨穢耶。答。此有二說。一由佛本願。二由生感。

變由佛願者。如阿彌陀佛。往昔曾為轉輪聖王。名無諍念。於寶藏佛所發菩提心。願取淨土。利樂有情。今既果滿。亦現淨土。釋迦牟尼。如來時。為大臣名。曰寶海。願攝穢土。成熟有情。故今果中。亦處穢土。言由生感變者。由生心淨。感變淨土。故淨名云。欲得淨土。當淨其心等。由生心濁。故感變穢土。如釋迦本願。十方佛土。所不容受惡業。眾生悉生我國。又心垢。故眾生垢。心淨。故眾生淨。即其義也。餘義極多。緣疏文窄。不敢繁敘也。言清淨自土者。即自受用土。如淨名云。欲得淨土。當淨其心等也。安立下。即他受用土。如淨名云。直心是菩薩淨土。菩薩成佛時。不諂眾生。來生其國等也。畧無

淨土之言。以影在後段。故而具淨土七種淨義。七種

淨義者。論判彼淨土願中。為七種淨。今初偈。即同疏。全依但次第少差耳。亦不須會之。初偈。即同

體淨。以同法性。故令一多。互相即入。入者。彼經云。即

願一切國土入一國土。入一國土。入一切國土。彼釋全是此疏文也。既同法性。性則融之。故使一多相

卽相入。相卽者。約體以明。一卽一切。一切卽一。則諸法相卽自在門也。相入者。約用以明。一切卽一切。一切入一。則一切入一。則一多相容不同門也。疏卽入二字以攝十玄門之二門也。言十玄門者。準清涼國師四十二策問中。具以法喻明之。問云。竊聞華嚴深義。謂之十玄。請列其名。畧申其義。答云。十表無盡。一造玄隨舉一法卽具斯十。謂一同時具足相應門。如大海一滴。含百川味。二廣狹自在無礙門。如徑尺之鏡。見千里之影。三多相容不同門。若一室千燈。光光涉入。四諸法相卽自在門。如金與金色。二不相離。五秘密隱顯俱成門。如片月澄空。晦明相並。六微細相容安立門。如瑠璃瓶。盛多芥子。七因陀羅網境界門。若兩鏡互照。傳耀相寫。遞出無窮。八託事顯法生解門。如立象豎臂。觸目皆道。九十世隔法異成門。如一夕之夢。翔飛百年。十主伴圓明。具德門。如北辰所居。衆星同拱。十無前後。舉一全收。斯爲華嚴不共玄旨。餘今文雖辨念劫義。如大疏明與金師子章具列也。

圓融意取時中圓融之刹。二有半偈。明自在淨如

摩尼珠。美惡斯現。自在圓通。是故文云。於一念見。

舉其佛者。顯是佛土。自在淨者。彼經云。無量佛土。皆皆清淨。彼釋全同。此疏。但

加淨穢圓通。故云。普皆。疏舉其佛者。人師子。即佛也。佛是人中之師子。故。三有一句。亦

常入佛境界中者。即是因淨。因有二種。一者生因。

謂六度等。如淨名說。謂六度等。如淨名說者。即佛國。品初標云。寶積。衆生之類。

是菩薩佛土。所以者何。菩薩隨所化衆生。而取佛上。乃至云。布施是菩薩淨土。菩薩成佛時。一切能

捨衆生。來生其國。一也。持戒是菩薩淨土。菩薩成佛時。行十善道。滿願衆生。來生其國。二也。忍辱是

菩薩淨土。菩薩成佛時。三十二相莊嚴衆生。來生其國。三也。精進是菩薩淨土。菩薩成佛時。勤修一

切功德。衆生來生其國。四也。禪定是菩薩淨土。菩薩成佛時。攝心不亂。衆生來生其國。五也。智慧是

菩薩淨土。菩薩成佛時。正定。衆生來生其國。六也。二者依因此。復有二。一

鏡智淨識爲土所依。二後智通慧爲土所依。此二
 皆是諸佛境界。鏡智淨識爲土所依者。總論佛智。
 智。三妙觀察智。四成所作智。問何名大圓鏡智。答。
 從喻爲名。謂此智性淨圓明。能鑒照萬物。故名大
 圓鏡智。卽一切有情。心行差別。品類各異。及菩薩
 影像。三世諸佛之影像。乃至五趣影像。若事若理
 及有爲無爲。萬德無不朗鑒。悉於中現。故名大圓
 鏡智。卽猶如大圓鏡。能照萬物也。故唯識論云。大
 圓鏡智。相應。心品。純淨圓德。現種種依持。能現能生
 身。土智影。無間無斷。窮未來際。如大圓鏡。現衆色
 像。通持業及分。取他名。有財二釋也。言平等性智
 者。平謂均平。等卽齊等。謂緣一切境時。自他平等
 以第七識。在因位時。執我執法。有高有下。起不平
 等。今成無漏。二執已除。自他平等。卽約境得名也。
 故唯識論云。二平等性智。相應。心品。謂此心品。觀
 一切法。自他有情。悉皆平等也。言妙觀察智者。謂
 神用無方。稱之爲妙。具緣諸法。自相共相。等名。爲
 觀察。決斷無礙。名之爲智。謂此心品。現通朗鑒。說

法利樂。故名妙觀察智。即從用得名也。故唯識論云。妙觀察智相應心品。謂此心品善觀諸法自相。共相。無礙而轉。於大眾會。能現無邊作用差別。皆得自在。兩大法雨。斷一切疑網。令諸有情。皆獲利樂也。言成所作智者。亦名成事智。謂能成辦所作利樂。有情之事。名成所作智。即從境及用得名也。故唯識論云。成所作智相應心品。謂此心品為欲利樂諸有情。故普於十方。示現種種變化。三業成。本願力所應作事也。此之四智。唯佛具有。轉八識而成。即轉第六識成妙觀察智。轉前五識成所作性智。轉第八識成妙觀察智。轉前七識成平等智。問。既有八識。如何轉成四智等。答。理實合轉成。八智。以前五名同。故但立四。開亦無失。皆是決斷。為義總取別境。慧及同時意。二十一法為體也。問。八識是心王。慧是心所。如何轉心王。卻為心所。取。答。言轉者。但轉心所中慧成智。非轉識體也。謂因中識強智劣。但言八識。即攝諸心所。皆在其中。若至果中。即智強識劣。但言四智。即總攝八識。皆在其中也。即各轉自識相應之慧也。問。若因中無至果如識。有相應慧。至果可言轉。第八既因中無。至果如

何轉。答。第八因中雖無有漏慧相應。至果。卽從無漏鏡智種子中生。現行。亦無過失也。因疏中云。鏡智淨識爲土所依。鏡智卽四智中大圓鏡智。因茲畧釋四智也。此疏中言鏡智淨識爲土所依者。唯識論云。大圓鏡智相應。心品。謂此心品。離諸分別所緣。行相微細。難知。不忘。不愚。一切境相。性相清淨。離諸障染。純淨圓明。現種依持。能現能生。身土智影。無間無斷。窮未來際。如大圓鏡。現衆色像。言後智通智慧等者。後智卽後得智也。簡非根本智也。以根本智唯內證故。若現身現土。皆是後得智也。然此通說。三土所依。雖身土種子。在第八識中。而現身現土。要假諸智爲能擊發。自受用土。鏡智後得。他受用土。平等後得。變化土者。卽成所作。此唯後得。各由後智。擊發鏡智淨識內種子。發生現行故也。言通慧者。卽神通智慧也。依此又境界者。卽通慧現身現土。故以此爲身土所依。又境界者。卽是相淨。謂七珍等。第八一句。攝於三淨。謂四以如幻二字。卽是果淨。果亦有二。一所生果。卽是相淨。

畧在境界。廣則影在後承事中。二示現果。臨機示現。故云如幻。五解脫威力。卽受用淨。謂受用淨土

離過成德。如用香飯得三昧等。如用香飯得三昧等者。淨名經。香積

品。佛語阿難。從眾香國。取食食者。一切毛孔。皆香。若此阿難。問維摩詰。香氣久如。維摩詰言。若聲聞

人未入正位。食此飯者。得入正位。然後乃消。乃至得無生忍。一生補處等。釋曰。入正位得無生忍等。

卽三昧也。今解脫煩惱。卽是離過。道力之能。卽是成德。

故十地經云。成就清淨道。六梵本此句。無及威力

三字。有眷屬二字。卽任處眾生淨。人寶為嚴故。無及

威力三字。有眷屬二字者。此句應云。如七者相淨。

幻解脫眷屬力。故判為任處眾生淨也。已如前說。相淨已如前說者。卽第三因淨。句中。指境界二字為相淨也。

○九承事願

於一毛端極微中

出現三世莊嚴刹

十方塵刹諸毛端

我皆深入而嚴淨

所有未來照世燈

成道轉濃悟羣有

究竟佛事示涅槃

我皆往詣而親近

〔疏〕願往諸佛土。常見諸佛。恆時敬事。聽受法故。第

八句為總。餘皆是別。初一偈即承事處。初二句通

是真實義相。互相涉入。如帝網故。鈔真實義相者。彼經有三種相。

一一切相。二真實義相。三無量相。今即第二也。彼經云。如帝網差別釋云。土土同體。不守自性。互相

涉入故。就中三世莊嚴刹。即一切相。淨土體相有

名真實。

差別故。就中至差別故者。就上兩句中取不守自性爲一切相淨也。彼經云。廣大無量粗細

亂住。倒住。正住。若入若行若去。彼釋後三句云。入者攝他入已去。則徧於他中。行則往來不住。第

三句。卽無量相。謂前二相徧十方故。第三句卽無量相者。彼經

云。十方無量種種不同。彼引菩薩藏經云。虛空中世界重數多於大千。所有微塵。但由業力。不相障

礙。一處重重尙爾。况復橫周。其第四句。辨能知見。故地經云。智

皆明了。現前知見。明爲智知。非識境故。辨能知見者。以彼科

爲兩段。一所知。卽前三種相。二能知。卽此所引兩句是也。彼釋云。眞實義相。但可智知。餘一切相可

現眼見。梵本云。我甚深入莊嚴刹。淡入有二。一智淡

入。二身淡入。入彼莊嚴刹中。承事如來。非嚴淨彼

若去而字。下加利字。理無違矣。若去而字。下加利字者。此句應云。我

皆深入嚴淨刹也。第五一句。所承事佛。所有佛故。六七二

句。卽承事時。八相故。地經中。但列土相。殊闕此經

○十成正覺願

速疾周徧神通力 普門徧入大乘力

智行普修功德力 威神普覆大慈力

徧淨莊嚴勝福力 無著無依智慧力

定慧方便威神力 普能積集菩提力

清淨一切善業力 摧滅一切煩惱力

降伏一切諸魔力 圓滿普賢諸行力

疏願與一切衆生同時皆得無上菩提。恆作佛事

故文有十二力。前九明業用。後三結因成果。前中

九句。有其七業。前之六句。力字居中。鈔有七業者。以彼經有兩

段。一成苦提體。即自分已圓。經云於一切世界。成阿耨多羅三藐三菩提。二作業。即運他。不息。文有

七業。今疏全依彼。但不次耳。故云有其七業也。次第不同。亦不須會。力字居中者。以隨義便。且回經

文釋之。令顯如初。應云。神通力速疾。周徧。意云。由神力。故得速徧。力字在中。義則易見。下五句。準知。

初一句。即自在業。以神通力。普周徧故。二一句。示

正覺業。不離一毛端處。而於一切處。八相成道。故

名普門。八相成道者。彼經云。不離一毛端處。於一

成正覺。轉法輪入涅槃。一切諸佛。示化門中。多現

八相。但名月。前後稍別。義意大同。一升天相。二降母胎。三初生。四出家。五破魔。六成正覺。七轉法輪。八入涅槃。相此是大莊嚴經中說也。合云。

以大乘力徧普門。謂大乘稱理。互相卽入而普徧
 故。三次三句。卽說實諦業。謂說實諦。令物悟故。文
 中通舉說德及益。謂一以智行力。內滿功德。二以
 大慈力。普覆而說。故梵本云。以智行力功德滿。以
 大慈力覆一切。後句以福德力徧清淨。卽是自他
 離障。亦說之益。說實諦業。至亦說之益者。以彼經
 此一業中。文有兩段。一明能說經
 云。得佛境界。大智慧力。念念隨衆生心。示現成佛。
 二明說益。經云。令得寂滅。故此云。通舉說德及益
 意。配彼文。全備也。四以第六句。卽證教化業。說自所證。以
 化物。故謂以菩提智。契涅槃理。故無所依。梵本云。
 以智慧力無所依。證教化業。至無所依者。彼經云。
 以一二三菩提。知一切法界。卽涅槃。

槃相釋云以一極無二之菩提契無差別之性淨
涅槃則不復更滅說此今物生信名教化業也今
云智慧力即彼一三菩提。五一句種種說法業具
云無著無依即彼涅槃相。五一句種種說法業具
足定慧方便等故。種種說法業者。彼經云以一音
說法令一切衆生心皆歡喜即
定慧方便也。六一句不斷佛種業積集菩提佛種豈斷
不斷佛種業者。彼經云示
入涅槃而不斷菩薩行。七一句法輪復任業依
大智慧能淨一切諸善根故。法輪復任業者。彼經
云示大智慧地安立
一切法釋曰唯一事實。即是佛智。能生萬物。故名
爲地。而智慧門。隨機萬差。名安立一切前。即涅槃
能建大事。此即於一佛乘。分
別說三對實施權。故名復任。後三句。結因成果。由
內伏煩惱。外降諸魔。普賢行圓。故成菩提。亦可後
三復爲三業。以成圓十。八摧滅煩惱業。九降伏魔

寃業十普圓勝因業。已上別說十願竟

○二總結大願 二一總結十願

普能嚴淨諸刹海 解脫一切衆生海

善能分別諸濃海 能甚深入智慧海

普能清淨諸行海 圓滿一切諸願海

親近供養諸佛海 修行無倦經劫海

三世一切諸如來 最勝菩提諸行願

我皆供養圓滿修 以普賢行悟菩提

〔疏〕前之八海。結前九願。謂一淨土願。二成熟衆生

願。三轉法輪願。四受持願。五修行。二利願。六利益

願。由願圓故。七有二願親近二字。卽承事願。供養
二字。卽供養願。諸佛海言。通上二願。八卽不離願
同志行故。長時無倦。鈔不離至無倦者。若離同見
同志法緣眷屬。修行卽厭倦
也。後之一偈。成正覺願。以三世因圓。正覺果滿故。

○二結歸二聖反攝所餘。歸二聖者。謂普賢文殊
彰行所屬。亦卽釋成普賢行名。法門主故。言攝
所餘者。謂餘不說一切大願。是故文云。一切願
海。卽同地經如是無量百千萬億阿僧祇大願。
文二。一偏同普賢。所以同者。普賢行故。稱法界
故。

一切如來有長子

彼名號曰普賢尊

我今迴向諸善根

願諸智行悉同彼

願身口意恒清淨

諸行刹土亦復然

如是智慧號普賢

願我與彼皆同等

〔疏〕言長子者最尊勝故。出現品亦云。誰是如來法

長子故。若表法界者。既表法界。先萬物生。無過此

故。如有偈云。普賢真身徧法界。能為世間自在主。

無始無終無生滅。性相常任等虛空。既無有始。即

是長義。不捨因行。故為佛子。〔鈔〕既表法界至故為佛子者。三聖觀中。先

明二聖三重表法。初重普賢表所信法界。即能生如來藏。此是緣起法界。非直指一真法界也。以真

法界但是根本。於真界中。就能起諸法。義邊為普賢。能照法界義邊為文殊。其所信法界。帶能所故。亦屬緣起。第二重理智契合者。即會緣釋歸一真法界也。故諸法相生。千差萬別。莫不皆在能生。普賢之後。故知能生之主。最初全以真界為體。以合體故。生即無生。由是下偈云。徧法界為世間主。無始無終等。此偈即金剛。瑜伽頂經偈也。所徧即一真法界也。能徧即普賢也。世間即一切緣起諸法也。主即最初能生也。無始終者。全同真界也。但云同等。非但無量阿僧祇願。如法界量。無盡願行。皆悉願同。

○二雙同二聖。文殊表解。解發願故。普賢表行。解起行故。故願與行。分屬二聖。理實皆通。又表理智。一相契合。行願相扶。所以雙同。鈔故願與行分屬二聖者此意以解為願。而對行也。餘表法等。義兼前段。普賢等義。廣如歸敬請加中具明。

我爲徧淨普賢行

文殊師利諸大願

滿彼事業盡無餘

未來際劬恒無倦

我所修行無有量

獲得無量諸功德

安住無量諸行中

了達一切神通力

文殊師利勇猛智

普賢慧行亦復然

我今迴向諸善根

隨彼一切常修學

○三結歸迴向

三世諸佛所稱歎

如是最勝諸大願

我今迴向諸善根

爲得普賢殊勝行

疏上來諸願皆屬迴向彌顯三段皆屬迴向

○二頌願生淨土

願我臨欲命終時

盡除一切諸障礙

面見彼佛阿彌陀

卽得往生安樂刹

我旣往生彼國已

現前成就此大願

一切圓滿盡無餘

利樂一切衆生界

彼佛衆會咸清淨

我時於勝蓮華生

親覩如來無量光

現前授我菩提記

蒙彼如來授記已

化身無數百俱胝

智力廣大徧十方

普利一切衆生界

〔疏〕全同長行。顯經勝德。轉生之益。此令起願。彼約

說益為意不同不生華藏而生極樂畧有四意。一

有緣故。二欲使衆生歸憑情一故。三不離華藏故

四卽本師故。鈔畧有四意者。一彌陀願重。偏接娑婆界人。二但聞十方皆妙。此彼融通。

初心忙忙無所依託。故方便引之。三極樂去此。但有十萬億佛土。華藏中所有佛刹皆微塵數。故不

離也。如大疏說。華藏世界。底布風輪。須彌塵數。皆光摩尼海中出。大蓮華名種種光明。蕊香幢不言

其數。安測其量。華藏利海。處在蓮臺。臺面純以金剛為座。四周輪圍。金剛雜寶。有十不可說佛刹。微

塵數香水海。列在其中。如天帝網。安布而任。一香水海。各以四天下微塵數香水河。右旋圍繞。一

海。一種種所持刹。各有不可說佛刹。塵數自下而上。列二十重。一相去。各有佛刹。塵數之刹。一一

種刹。各有利繞。如經所引重數。繞數漸增。準其一利。各有十刹。微塵之刹。而為圍繞。各攝眷屬。橫

豎交絡。一一相當。遞相連接。成世界網。故知阿彌陀佛國不離華藏界中也。四卽此第三十九偈讚

品云。或有見佛無量壽。觀自在等。共圍繞。乃至賢首如來。阿閼釋迦等。彼並判云。讚本尊遮那之德也。

○二總頌十門

乃至虛空世界盡

衆生及業煩惱盡

如是一切無盡時

我願究竟恒無盡

疏總結無盡也。亦別屬十願十無盡句。鈔亦別屬

盡句者具如禮敬諸佛門中所引。今將此偈正則總結十門亦兼同十無盡句以結廻向一門中之十願也。以偈文加世界之言。不全依長行長行。但有虛空衆生及業等四故。此總別皆取也。

○二頌顯經勝德二。一頌校量聞經益

十方所有無邊刹

莊嚴衆寶供如來

最勝安樂施天人

經一切剎微塵劫

若人於此勝願王

一經於耳能生信

求勝菩提心渴仰

獲勝功德過於彼

○二通頌顯衆行益長行有三。一通明五果。二別

明淨土果。三究竟成佛果。其生淨土。在前願中。

但頌初後文。二一通頌五果

卽常遠離惡知識

永離一切諸惡道

速見如來無量光

具此普賢最勝願

此人善得勝壽命

此人善來人中生

此人不久當成就

如彼普賢菩薩行

往皆由無智慧力

所造極惡五無間

誦此普賢大願王

一念速疾皆消滅

族姓種類及容色

相好智慧咸圓滿

諸魔外道不能摧

堪為三界所應供

〔疏〕初偈增上果。次偈等流果。次偈離繫果。次半偈

異熟果。後半偈士用果。鈔惡知識者如涅槃經德王品云。菩薩摩訶薩觀於

惡象及惡知識等無有二何以故。俱壞身故。菩薩摩訶薩於惡象等。心無恐怖。於惡知識。生畏懼心。

何以故。是惡象等。唯能壞身。不能壞心。惡知識者。二俱壞故。是惡象等。唯壞一身。惡知識者。壞無量

善身。無量善心。是惡象等。唯能破壞不淨身。身惡知識者。能壞淨身。及以淨心。是惡象等。能壞肉身。

惡知識者。壞於法身。為惡象等殺。不至三惡趣。為惡友殺。必至三惡趣。是惡象等。但為身怨。惡知識

者。為善法。怨是故菩薩。常當遠離諸惡。知識也。言
無量光者。即阿彌陀佛名也。言無量者。超諸數量。
謂一光。各有眷屬。一眷屬有若干色。不可數
量也。十六觀經云。無量壽佛。有八萬四千相。一
相。各有八萬四千隨形好。一好。復有八萬四千
光明。一光明。徧照十方世界。念佛眾生。攝取不
捨。又阿彌陀經云。彼佛光明無量。照十方國。無所
障礙。是故號為阿彌陀。此皆由彼國中。大願之所
致也。無量壽經云。若我成佛。光明有限。下至不照
億那由他。百千及算數佛刹者。不取菩提。而諸佛
行化。莫先光明。可以反愚成智。拔苦與樂。不言而
化。是故願求也。是故彼佛。復有異名。謂無邊光等。
即十二光也。十二光者。無量。無邊。無礙。無對。焰王。
清淨。歡喜。智慧。難思。不斷。無稱。超日月等。二明等。
流果者。此人善得勝壽。命者。謂隨前業力所感。異
熟。一期壽限。有短有長。謂之壽命。此壽命者。若小
乘。有宗解云。謂壽煥識三和合。三中壽煥體。是假
命根。異色心外。別有實體性。若大乘宗。取第八識
種子。上建立命根。不取現行。謂種子。是本能。生現
行。復能持彼約斯。勝義。偏取種子。此中意說。依普

賢行願修行者。各隨前業任壽短長。盡一報之身。修習勝行。不虛度時。名勝壽命。則反顯縱恣不善。三業之者。靡惡不為。不任調伏。設住世間。報命經劫。轉使惡因彌廣。苦果無窮。善滅惡增。非勝壽命。故法句經云。人壽百歲。慳貪逾盛。不如一日。割捨財色。人壽百歲。樂不持戒。不如一日。淨心守戒。人壽百歲。多忿不忍。不如一日。含喜不瞋。人壽百歲。怠惰不勤。不如一日。策勵身心。人壽百歲。拙禦身心。不如一日。巧便運致。人壽百歲。常懷怯弱。不如一日。勇猛慧力。人壽百歲。不起善願。不如一日。發行四弘。人壽百歲。不生一智。不如一日。慧性聰利。釋曰。百年縱恣。過罪逾淡。一日修持。便獲大益。所以不如也。

○二頌究竟果

速詣菩提大樹王

坐已降伏諸魔眾

成等正覺轉法輪

普利一切諸含識

鈔後究竟果者。速詣菩提大樹王等者。謂諸佛示化。臨成正覺時。皆坐菩提樹也。

○三頌結勸受持

若人於此普賢願

讀誦受持及演說

果報唯佛能證知

決定獲勝菩提道

若人誦此普賢願

我說少分之善根

一念一切悉皆圓

成就衆生清淨願

我此普賢殊勝行

無邊勝福皆迴向

普願沈溺諸衆生

速往無量剎佛刹

疏初二句結前諸行。次六句重顯勝益。後一偈結

成迴向

○二結說讚善

爾時普賢菩薩摩訶薩。於如來前說此普賢廣大願。王清淨偈已。善財童子踊躍無量。一切菩薩皆大歡喜。如來讚言。善哉善哉。

〔疏〕如來讚善。乃是義生。此會入定。未有佛說。古德

共立。令衆頓證。鈔此會入定。未有佛說者。會初世尊入師子頻申三昧。便令逝多林。

忽然廣博。現種種莊嚴之事。普賢開發。文殊讚述。大衆頓證。後文殊出至福城東。敎示善財。展轉求道。乃至品末。佛無自說之處。故此云如來讚言者。乃是義生也。

○三流通分二一指所說法

爾時世尊。與諸聖者。菩薩摩訶薩。演說如是不可思

議解脫境界勝凜門時

〔疏〕向普賢說。已是結義。今云佛說。亦是義生。意欲

總該。亦有二意。一此之一會。佛為會主。雖諸善友

以總該別。亦屬佛說。二徧該九會。以皆不起菩提

樹王。徧一切處。一時頓說。鈔此之一會至亦屬佛說者謂初會來皆菩薩

為主。欲有所表。謂初會普賢為主。初會是九會之總表。佛依正二果體。是法界普賢主。法界故。二文殊為主。主十信故。足下放光。三法慧為主。十住是

解位。足指放光。四功德林為主。十行森聳為林。故足跌放光。五金剛幢為主。迴向高出故。兩膝放光。

六金剛藏為主。入地能生無盡之功德故。眷間放光。七普賢為主。位滿還同法界故。於一會中。隨品

別有所表。故有餘菩薩等說者也。八普慧普賢等為主。託法進修。慧能引行。故普賢主行故。尤至此

會初。方是佛自為主。表證入因果。若不冥合佛心。

無由證入。故此云佛爲會主也。則諸善友皆佛十
身中餘類身故。以總該別。縱前八會說。王亦佛十
身中。菩薩身也。故一一會初。皆先標佛。淺識不曉
此意。云華嚴多分。非佛親說。未爲極妙者。渾是街
巷之談也。疏二徧該九會至一時頓說者。謂不起
菩提樹而升。切利天等三天也。皆不起而升之。今
更以喻顯。譬如朗月流影徧應。且澄江一月。三舟
共觀。一舟停住。二舟南北。南者見月千里。隨南
者見月千里。隨北。停舟之者。見月不移。是謂此月
不離中流。而往南北。設百千共觀。八方各去。則百
千月各隨其去。諸有識者。曉斯旨焉。向見普賢在菩提場。攝末歸本。
以本該末。竝爲佛說。向見普賢至佛說者。然第一會初。是菩提場證道。佛既不
離菩提樹而在。逝多林。文殊從佛會而出。乃至福
城東。開發善財。是從本起末。善財求友展轉南行。
竝是末也。從寄登地已後。多不指方。最後見普賢
時。在菩提場內。是攝末歸本也。故云以本該末。竝
爲佛說也。

○二時衆受持。二。一。列能持衆。三。一。菩薩衆。

文殊師利菩薩而爲上首。諸大菩薩及所成熟六千比丘。彌勒菩薩而爲上首。賢劫一切諸大菩薩無垢普賢菩薩而爲上首。一生補處住灌頂位諸大菩薩及餘十方種種世界普來集會。一切刹海極微塵數諸菩薩摩訶薩衆。

〔疏〕文有四類前之二類多在此會。第三普賢義通常隨則徧該九會。第四種種世界普來集會亦通二義。一是前來遠集新衆。二通九會集有遠近。而梵本無文。鈔言比丘者新云苾芻唐言具淨西天有苾芻草有其五德以况佛弟子有其

五種德也。一。體性柔軟。如比丘調伏三業。制伏煩惱不起。卒暴柔和善語。不觸於人。二。引蔓傍布。此况比丘須傳佛教。勸化一切。互相接引。展轉相化。如一燈然百千燈。三。香氣遠騰。覺香氣者。悅樂身心。此况比丘戒香芬馥。衆人聞者。皆生歡喜。發其道意。四。觸身安樂。有患者。此草拂著。皆悉平復。以况比丘自斷煩惱。以求無上菩提。外則教化衆生。皆令斷惡滅煩惱。惑安任善品。五。不背日光。猶如葵藿常隨向日。此况比丘行住坐臥。四威儀中。常向如來。不曾外緣邪見。是爲五德也。復有五義。一。曰怖魔。初出家時。魔宮震動。此約淨心出家者說。二。曰乞土。謂上從諸佛。乞法以資慧命。下從檀越。乞衣食以濟色身。求無上菩提。三。曰淨持戒。佛地論及婆沙論說。具足六義。名淨持戒。一。具任淨尸羅。二。能自防非。別解脫戒。三。具足三千威儀。八萬細行。四。所行具足。離五處不應行。卽處女。寡女。沽酒。屠兒。惡黨等。五。於微細罪。生廣大怖。故世尊言。莫輕小罪。以爲無殃。水滴雖微。漸盈大器。慎之妙矣。六。受學處。須依勝師。不現邪見。如是六義。名淨持戒也。四。曰淨命。離四邪命。及五邪命。四邪命者。

一下口。食謂種植樹木。耕田墾土。二仰口。食謂觀瞻星象以求衣食。三方口。食謂四方通耗等。及媒嫁事。四維口。食謂呪術推算。祿命決疑。用怖於人。以求衣食。五邪命者。一為利養故。詐現希奇。二為利養故。自說功德。三為利養故。古相吉凶。為說令怖。以求衣食。四為利養故。稱得供養。激動人心。五為利養故。廣置徒弟。高聲現威。令人怕怖。恐動求財也。若能離得四邪五邪。所獲資身。名為淨命。食得名比丘也。五曰破惡。謂能降四魔也。

○二聲聞眾

大智舍利弗。摩訶目犍連等。而為上首。諸大聲聞

○疏唯局此會

○三雜類眾

弁諸人天。一切世主。天龍。夜叉。乾闥婆。阿修羅。迦樓

羅。緊。那。羅。摩。睺。羅。伽。人。非。人。等。一。切。大。衆。

鈔言天龍等者總舉八部衆也。一天者有四。一名天如世國王名爲天子。緣有福諸天減一分福與今天子。二生天名天。下從四天王天。上至非想非非想天。中有情。三淨天。但於人中得聖果者名爲淨天。有自在義故。四生淨天。謂二十八天中諸聖人是也。今言天者。四中多取第二生天也。二龍有四種。一天龍。持天宮殿。不教墮落者。二人龍。人間與雲致雨者。三地龍。能持山河大地。四王龍。守護王之庫藏等者。復有四種。一者虬龍。虬龍有角。二者鷹龍。鷹龍有翼。三者驪龍。驪龍有珠。四者蛟龍。蛟龍有鱗。又龍離五般障難。方能降雨。一火大增盛。二風吹雲散。三阿修羅收雲入海。四風伯雨師。放逸懈怠。五者衆生造諸惡業。龍天瞋責。雨亦不下。五中隨有一障。雨卽不下也。三夜叉者。新云藥叉。此云輕捷鬼。唐三藏翻爲暴惡神。亦名勇健神。雌者名可畏。攝地行。食啖生類。雄者名藥叉。有翅而能飛空。唯喫孩兒。居下天守。天城門也。四乾闥婆者。正云健闥。此云尋香行。亦云食香神。謂食

氣作樂求乞。天帝須樂。體有異相。便往奏之。西天
呼一類音。聲人名健闍。謂不作生計。等食香氣。
作樂求之。五阿修羅者。古翻不飲酒神。謂海水鹹
苦。釀酒不成。因茲不得喫。名不飲酒神。新云阿素
落。此云非天。謂無天實德。故云非天也。六迦樓羅
此云金翅鳥。正云羯路茶。此云妙翅鳥。身有四色。
黃金色。白銀色。琉璃色。頗胝迦色。以有四般寶色。
翅羽巖麗。故名妙翅鳥。此具四生。如前已辨也。七
緊那羅者。正云緊捺洛。此云歌神。有其四類。法華
經中呼為清歌雅樂衆。此樂神體是畜生形狀。似
人面貌。端正頭上有一角。人見生疑不委。是人
畜亦名疑人也。八摩睺羅伽。正云莫呼洛迦。此云
大腹。莫呼云大。洛迦云腹。卽莽蛇蝦蟇之類也。此
之八類。於一類中。各有無量。總在會中。問此等
何緣得至佛會。答慈恩和尚云。由佛慈悲。廣爲引
化。有靈之類。皆悉奔波。希法雨以潤萌芽。冀智藥
而除衆苦。如歸慈父。若趣醫王。但由平等慈悲。恩
澤動植者也。動者有情。植者無情。草木等類。如來
行處。有情遇之。便得超升。無情枯木。再生花結果也。

○二總顯受持通前諸衆

聞佛所說皆大歡喜信受奉行

〔疏〕然此流通偏通第九。若通九會。於理無違。何必將斯。要該九會。又準前例。說法之後。尙闕現瑞。及證成等。但案梵文。足有始終。鈔何必將斯等者。古無流通。卽意懸指此文。通於九會。今不用之。故云何必也。尙闕現瑞等者。諸會說竟。皆有之也。卽知各自流通也。

○第四慶讚廻向

我佛昔於大劫海

修行苦行爲衆生

證此難思解脫門

何幸得聞能讚演

願此勝因皆上薦

寶祚長安帝道昌

四恩百辟及含生

同證玄門齊智海

鈔文有二偈。初偈慶遇申讚。後偈舉益迴向。前中
 初三句。述所證難思。後一句。慶聞讚演於初中。初
 二句。標佛悲願。後一句。顯證難思。初中上句。標行
 願時長。下句。正明行願於中。上四字。正舉修行。下
 三字。標行所為。下一句。顯證難思。中言難思等者。
 卽所入不思議解脫境界也。門者。卽能入菩提賢行
 願也。此正舉所讚也。後偈中。初四字。舉所迴善根
 下三字。等正申迴向於中。初卽迴向有情。末後一
 句。迴餘二處。初中。先明上報四恩。下三字。明下及
 含識。上四恩中。初別顯王恩。皆上薦寶祚等。下通
 舉四恩。謂一王恩。二二寶恩。三父母恩。四衆生恩。
 此上一一有大恩德。故迴向上報也。廣如本生心
 地觀經所明。言百辟者。總舉臣寮。同上王恩也。及
 含生者。卽有情之異名。總有十種。一名類生。二名
 膚生。三名羣生。四名懷生。五名蒼生。六名衆生。七
 名舍生。八名異生。九名緣生。十名有情。今卽一數

也。末後一句。迴餘二處者。玄門二字。卽真如實際。智海二字。卽無上菩提。願四恩三有。同證斯道也。此中。及含生等。是向衆生。卽隨相行。齊智海。是向菩提。卽離相行。玄門。是向實際。實際。卽非隨非離。隨相行。是大悲下化。離相行。是大智上求。卽隨相與離相。二行。闕一不可也。何以隨相若闕離相。則成有漏。離相若闕隨相。卽墮偏空。以離相得隨相。故觀空而萬行沸騰。隨相得離相。故涉有而一道清淨。如此二行。不闕方可觀空。不礙有涉。有不礙空。所以然者。謂事卽理。故色卽空。故理由事顯。事藉理空。理空卽觸目全真。事顯乃無非。是佛。又空卽色。而萬別。事事皆具色。卽空。而一如。相無不寂。若如是解者。無一心忠不證。念念道成。無一事而非真。塵塵佛土。此乃圓宗所詮也。所以此教。圓無不該。廣無不周。玄而復淡。普而能徧。迥異諸教。凡小權乘之行。成普賢圓融稱性之行也。

南天竺烏荼國。深信最勝善逝。凜者。修行最勝大
 乘行者。吉祥自在。作清淨師子王。上獻摩訶支那

大唐國大吉祥天子。大自在師子中大王。手自書
寫大方廣佛華嚴經百千偈中。所說善財童子。親
近承事佛刹極微塵數善知識。行中五十五聖者
善知識。入不思議解脫境界。普賢行願品。謹奉進
上。伏願大國聖王。福聚高大。超須彌山。智慧深廣。
過四大海。十方國土。通爲一家。及書此經功德。願
集彼無量福聚。等虛空界。一切世界。海無盡。衆生
界。一切皆如善財童子。得佛正見。具足智慧。見不
可思議真善知識。咸生歡喜。得佛廣大普光明照。
離諸貪著。成就無垢。普賢菩薩最勝行願。伏願書

此大乘經典進奉功德。慈氏如來成佛之時。龍華會上。早得奉覲大聖天王。獲宿命智。瞻見便識。同受佛記。盡虛空徧灑界。廣度未來一切衆生。速得成佛。

貞元十一年十一月十八日進奉梵夾。十二年六月五日奉詔於長安崇福寺譯。十四年二月二十四日譯畢進上。

屬賓國三藏賜紫沙門般若宣梵文

東都天宮寺沙門廣濟譯語

西明寺賜紫沙門圓照筆受

保壽寺沙門智柔迴綴

保壽寺沙門智通迴綴

成都府正覺寺沙門道弘潤文

章敬寺沙門鑒虛潤文

大覺寺沙門道章校勘證義

千福寺沙門大通證禪義

太原府崇福寺沙門澄觀詳定

千福寺沙門虛遠詳定

專知官右神策軍敝兵馬使衙前馬軍正

將兼押衙特進行鄧州司灋參軍南珍貢

右神策軍護軍中尉兼右街功德使元從
興元元從雲麾將軍右監門衛大將軍知
內侍省事上柱國交城縣開國男食邑三
百戶臣霍仙鳴

左神策軍護軍中尉兼左街功德使元從
興元元從驃騎大將軍行左監門衛大將
軍知內侍省事上柱國邠國公食邑三千
戶臣竇文場等進

林泉比丘興燈敬捐貲刊刻
 華嚴普賢菩薩行願品別行疏鈔纂要
 第四卷上薦師祖太殿梁公業卸塵勞
 神遊華藏繁典萬行具普賢之願王圓
 悟一真入昆盧之性海供養諸佛於利
 利塵塵廣度含生於在在處處四恩普
 報三有均資法界有情同圓種智
 康熙庚申仲秋
 華藏室謹題

大方廣佛華嚴經普賢行願品別行疏鈔纂要卷第

一百之二十 終

王美卿 仝鑄
范裕遠



華嚴經疏論纂要影印緣起

弘一大師一九二九年四月，離廈門赴溫州，取道福州，遊石鼓山於湧泉寺藏經樓，發現清初所刊華嚴經疏論纂要，歎爲稀見，倡緣印布二十五部以十部贈予扶桑諸大寺。上海佛學書局附印五十部，沈彬翰贈香港半春園一部。

一九八三年聖懷向半春園借此纂要珍本，商諸旭朗長老，即得慨允共同影印，旋得施剛巽龔啟康長者，亦願出淨資，共結法緣，此繼弘一大師倡印半世紀後鼓山名刊本，華嚴經疏論纂要又得流通之不可思議勝緣也。

大方廣佛華嚴經，我國凡三譯。此唐譯八十卷經，唐清涼國師有疏鈔，棗栢長者有論，世所盛行。疏鈔則窮源極委，章句分析不惟是此經標準，實乃世尊一代時教之標準也。論則廣論佛意，會歸自心，不惟是此經闡奧，實乃宗門之闡奧也。

清初鼓山爲霖道霈禪師（一六一四——一七〇二）平生游泳華嚴，

棲心法界研窮疏論，餘三十年，纂其精要，合註本經，歷經十載，始得成書。刊刻又經三年，藏版於石鼓名山，期流通於閭浮末世。嘉慶十一年補刊缺字缺頁，翌年告成，光緒元年，又有重修。至民國十八年（一九一九）弘一大師見版完好，稱爲「精妙絕倫」。一百二十卷，四十八厚冊之纂要，始得以數十部流通於世。民國大藏經會於民國三十三年依此補刊本重排，線裝十六冊。校刊爲勝，研習稱便，惜亦印數不多。

佛事貴乎莊嚴，善本欲其普及，謹願以弘一大師贊爲「近代所稀見」之鼓山法寶，半春園珍藏之纂要爲底本，影印壹仟貳佰部，供養中、外各國、全世界佛教同仁及文化藝術界。願與法界有情，同遊華藏玄門，仰報佛恩，普濟含識，正法久住，世界和平！

鼓山爲霖道霈禪師略歷

錄自佛祖道影卷叁

師建安丁氏子年十五出家十八納戒徧歷講席久
叅永覺針芥投契覺年八十付以衣拂說偈曰曾在壽
昌橋上過豈隨流俗漫生枝一髮欲存千聖脉此心能
有幾人知潦倒殘年今八十大事於茲方付伊三十年
中鹽醬事古人有語不相欺逆風把柁千鈞力方能永
定太平基康熙壬午九月初七日集衆示寂壽八十八
興鼓山寶福白雲廣福開元四刹著有華嚴疏論纂要
等經論共二十八種一百九十六卷行世贊曰

重來石鼓全提正令醉心華嚴卅年考證棗柏清涼
後先輝映盜璽窺符得所究竟仰瞻道貌肅然起敬